

Covid-19-ip tuniluussinnaanera pissutigalugu Nuup (Nuussuup Qinnguttalu) matuneqarnissaat pillugu Tunillaassortunik nappaalanersuaqarneranut ataatsimiititaliarsuup peqqussutaa nr. 5, 15. juni 2021-mersooq Atuussimasoq (Historisk)

Nappaatit tunillaassortut akiorniarlugit iliuutsit pillugit Inatsisartut peqqussutaanni nr. 20, 12. november 2001-imeersumi, Inatsisartut inatsisaatigut nr. 1, 1. april 2020-meersutigut allangortinneqartumi, § 7, imm. 1 naapertorlugu aalajangersarneqarpoq:

Nummiit (Nuussuarmiit Qinngutsinniillu) Nunatsinni najugaqarfinnut allanut aallarsinnaaneq 22. juni 2021 tikillugu inerteqqutaalerpoq.

Kalaallit Nunaanni Politimesteri Kalaallit Nunaanni Politiinut attuumassutilinnik inuiaqatigiinnullu pingaarutilinnik sulialinnut inerteqqummit immikkut akuersissuteqarnissamut piginnaatinneqarpoq.

Issittumi Sakkutooqarfiup pisortaa Illersornissamut tunngasunik inuiaqatigiinnullu pingaarutilinnik sulialinnut inerteqqummit immikkut akuersissuteqarnissamut piginnaatinneqarpoq.

Nunatta Nakorsaanera inuiaqatigiinnut pingaarutilinnik sulialinnut allanut tamanut inerteqqummit immikkut akuersissuteqarnissamut piginnaatinneqarpoq.

Tunillaassortunik Nappaalanersuaqarneranut Ataatsimiititaliarsuaq, ulloq 15. juni 2021

Bjørn Tegner Bay

Tunillaassortunik Nappaalanersuaqarneranut Ataatsimiititaliarsuarmi siulittaasoq